

佛說摩利支天菩薩陀羅尼經
大興善寺三藏沙門不空奉 詔譯

如是我聞：一時佛在舍衛國祇樹給孤獨園與大阿羅漢千二百五十人俱，復有無量大菩薩眾，彌勒菩薩，曼殊室利菩薩，觀世音菩薩，而為上首，及摩利支等諸天龍八部，前後圍遶。爾時舍利弗即從座起，偏袒右肩，右膝著地，合掌向佛，而白佛言：世尊！於未來世，末世眾生，作何等法，得脫諸難？

佛告舍利弗：諦聽！諦聽！我今為汝說於此事。爾時會眾，歡喜踊躍，重勸請佛。爾時世尊告諸比丘：日前有天，名摩利支，有大神通自在之法，常行日前，日不見彼，彼能見日，無人能見，無人能知，無人能捉，無人能害，無人能欺誑，無人能縛，無人能債其財物，無人能罰，不畏怨家能得其便。

佛告諸比丘：若有人知彼摩利支天名者，彼人亦不可見，亦不可知，亦不可捉，亦不可害，亦不為人欺誑，亦不為人縛，亦不為人債其財物，亦不為人責罰，亦不為怨家能得其便。

佛告諸比丘：若善男子、善女人，知彼摩利支天名者，應作是言：我弟子某甲，知彼摩利支天名故，無人能見我，無人能知我，無人能捉我，無人能害我，無人能欺誑我，無人能縛我，無人能債我財物，無人能責罰我，亦不為怨家能得我便，此呪有大神力，所作成就，破一切惡，若用結界，百由旬內，一切諸惡無敢入者。爾時世尊即說呪曰：

南謨(引)佛陀(引)耶 南謨(引)達摩(引)耶 南無僧伽(引)耶 怛姪他(引) 遏囉迦(二合)
末斯 摩囉迦(二合)末斯 蘇途(引)末斯 支鉢(二合)囉末斯 摩訶(引)支鉢(二合)囉
末斯 摩(引)利(引)支(引)曳(引) 末斯 安怛陀(引)那夜 末斯 那謨(引) 粹都底 莎
(引)訶(引)

Namo buddhāya. Namō dharmāya. Namaḥ saṃghāya. Tadyathā,
arka maṣi, marka maṣi, su-dhū maṣi, jvala maṣi, mahā-jvala maṣi,
māricīye maṣi, antar-dhānaya maṣi. Namō 'stute svāhā.

王難中護我，賊難中護我，行路中護我，失於道路曠野中護我，晝日護我，夜中護我，水難中護我，火難中護我，羅刹難中護我，荼枳儻鬼難中護我，毒藥難中護我，佛實語護我，法實語護我，僧實語護我，天實語護我，仙人實語護我。

怛姪他(引) 阿(引)囉 拘隸 阿(引)囉 拘隸 雞栗底(二合) 薩婆 迦囉醯蔽耶(二合)
薩蒲跛(引)突瑟[齒*齊](二合) 蔽耶(二合) 薩婆 伊底瑜(二合)波達羅(二合)鞞蔽耶
(二合) 囉叉 囉叉[牟*含](引) 莎呵

Tadyathā, āra-kole āra-kole kṛti, sarva kalahebhyaḥ, sarvot-pā
duṣṭebhyaḥ, sarva ity upa-dravebhyaḥ rakṣa rakṣa māṃ svāhā.

注：sarva ity upa-dravebhyaḥ = sarva iti upa-dravebhyaḥ

奉請摩利支天呪，一名摩利支天身呪。呪曰：

娜謨(引)囉路那(二合)路囉(二合)夜(引)耶 摩(引)唎(引)支(引)提(引)婆多(引)醯
唎(二合)馱閻 摩(引)婆囉多(二合)伊沙耶(二合引)彌 路姪他(引)挽多(引)利 婆那
(引)利 婆囉(引)利 婆囉(引)呵目溪(引) 薩婆 徒瑟耽(二合引) 槃馱 槃馱 娑婆(二
合引)呵(引)

Namo ratna-trayāya. Mārīcī-devatā-hṛdayaṃ mā-varta iṣyāmi.
Tadyathā, Oṃ, vāntāri vanāri varāri, varāha-mukhe sarva duṣṭāṃ
bandha bandha svāhā.

注：vāntāri = vānta ari ; vanāri = vana ari ; varāri = vara ari

佛告諸比丘：若有人識彼摩利支天菩薩者，除一切障難、王難、賊難、猛獸毒蟲之難、水火等難。若人欲行此法者，一切法中，此法最勝。持此呪者，面向百踰闍那，一切鬼神惡人無能得其便者。若於難中行時，晨起誦前身呪，呪一掬水，四方散灑及灑自身，若衣襟、若衣袂、若袈裟角，一呪一結，總作三結，

即往難中行，連誦前二大呪而行，所有一切事難，軍防主者，悉皆迷醉，都無覺知之者。

佛告諸比丘、比丘尼、優婆塞、優婆夷、國王、大臣及諸人民等：若有人聞是摩利支天陀羅尼，一心受持者，是不為一切諸惡所害。諸比丘！若有人能書寫、讀誦、受持者，若著髻中，若著衣中，隨身而行，一切諸惡，悉皆退散，無敢擋者。佛說是經已，是諸四眾，天龍八部等，歡喜奉行，禮佛而退。

佛說摩利支天菩薩陀羅尼經

【經文資訊】大正新脩大藏經第 21 冊 No. 1255a 佛說摩利支天菩薩陀羅尼經

【版本記錄】CBETA 電子佛典 Rev. 1.5 (Big5)，完成日期：2006/04/12

【編輯說明】本資料庫由中華電子佛典協會（CBETA）依大正新脩大藏經所編輯

【原始資料】蕭鎮國大德提供，北美某大德提供

【其他事項】本資料庫可自由免費流通，詳細內容請參閱【中華電子佛典協會版權宣告】

公元二零一一年五月十九日馬來西亞蔡文端居士修訂。

(Mantras in the sutra were transliterated on 13/10/2002 by Mr. Chua Boon Tuan (蔡文端) of Rawang Buddhist Association (萬撓佛教會). 8, Jalan Maxwell, 48000 Rawang, Selangor, West Malaysia.)

萬撓佛教會網址：<http://www.dharanipitaka.net>

注：

有關咒語的讀音問題請安裝 Skype 軟件用免費互聯網電話聯繫，我的 Skype 名為：
chua.boon.tuan